

# DJEČIJA KOLICA



## PRAVNI OSNOV

Dječija kolica se mogu staviti na tržište Bosne i Hercegovine samo ako su sigurna u skladu sa **Zakonom o općoj sigurnosti proizvoda** („Službeni glasnik BiH“, broj 102/09).



## PRIMJENJIVI STANDARDI

Dječija kolica se smatraju sigurnim ukoliko ispunjavaju sve sigurnosne zahtjeve propisane u bosanskohercegovačkim standardima:

- BAS EN 1888-1+A1:2023 Proizvodi za djecu - Dječija kolica - Dio 1: Dječija kolica i kolica za novorođenčad. Ovaj standard propisuje sigurnosne zahtjeve i ispitne metode za dječija kolica i kolica za novorođenčad, za prevoz jednog djeteta ili više djece, do 15 kg svako djetete i do 20 kg za integriranu platformu na kojoj dijete može stajati;
- BAS EN 1888-2:2020 Proizvodi za djecu - Dječija kolica - Dio 2: Dječija kolica za djecu između 15 i 22 kg težine.



## OBAVEZE POSLOVNIH SUBJEKATA

Poslovni subjekti, koji dječija kolica stavljaju na tržište Bosne i Hercegovine, moraju osigurati da dječija kolica ispunjavaju zahtjeve koji se odnose na označavanje, informacije za potrošače, upute za upotrebu i sigurnosne zahtjeve.



## OZNAČAVANJE

Na kolicima moraju biti označene trajno i čitko sljedeće informacije i upozorenja:

- Naziv ili trgovačka marka proizvođača, uvoznika ili trgovca;
- Identifikacija modela dječijih kolica (kada se kolica prodaju u odvojenim dijelovima svaki dio kolica treba biti označen posebno);
- „UPOZORENJE - Nikad ne ostavljajte dijete bez nadzora“;
- „UPOZORENJE - Koristite sigurnosne pojaseve čim vaše dijete počne samostalno sjediti“ (za dječija kolica sa nosiljkama čija je unutrašnja dužina veća od 800 mm);
- „UPOZORENJE - Ne koristite sjedište za djecu mlađu od šest mjeseci“ (za dječija kolica koja nisu primjenjiva za djecu ispod 6 mjeseci);
- „UPOZORENJE - Uvijek koristite sigurnosne pojaseve“;
- Broj i godina izdanja standarda;
- Dječija kolica s nosiljkama moraju imati oznaku maksimalne visine madraca osim kada je madrac isporučen. U tom slučaju, proizvođač mora jasno naznačiti da se ne smije dodavati dodatni madrac;
- Maksimalna težina svakog djeteta sa odgovarajućim piktogramom:



max X kg



## INFORMACIJE ZA POTROŠAČE

Sljedeće informacije moraju biti vidljive na mjestu prodaje:

- Maksimalna težina svakog djeteta u vidu pisane informacije ili piktograma;
- „Upozorenje - Ovaj proizvod nije namijenjen za trčanje ili rolanje“;
- „Informacija: Proizvod namijenjen za dijete koje ne može samostalno sjediti i oslanjati se na svoje ruke i koljena. Maksimalna težina djeteta: 15 kg.“ (za kolica sa nosiljkama dužine do 800 mm).

## UPUTSTVO ZA UPOTREBU

Uputstvo za upotrebu mora biti priloženo uz dječija kolica i mora biti napisano na jednom od službenih jezika u Bosni i Hercegovini. Uputstvo mora sadržavati detaljna upozorenja: da se dijete nikada ne smije ostavljati bez nadzora, da su nosiljke, autosjedalice ili drugi dijelovi ispravno postavljeni na kolica, da su aktivirani uređaji za zaključavanje kolica, da se sigurnosni pojasevi uvijek trebaju koristiti i druga upozorenja. Uputstvo mora sadržavati informacije o težini svakog djeteta, načinu identifikacije proizvoda, sklapanju i rasklapanju kolica, uputstvo za sve funkcije kolica, provjeru, održavanje, čišćenje i druge informacije.



## SIGURNOSNI ZAHTEJEVI

Sigurnosni zahtjevi vezani za dječija kolica obuhvataju sljedeće:

- hemijske rizike, rizike od zapaljivosti i mehaničke rizike (rizik od uklještenja, rizik od pokretnih dijelova, rizik od gnječenja, rizik od gušenja i rizik od davljenja),
  - zahtjeve koji se odnose na zaštitne funkcije, sigurnosne pojaseve, uređaje za kočenje i parkiranje,
  - zahtjeve koji se odnose na konstrukciju, stabilnost, dinamičku izdržljivost, točkove, ručke, oštre rubove i isturene dijelove.
- Sigurnosni zahtjevi se provjeravaju laboratorijskim ispitivanjem u ovlaštenoj laboratoriji, a kojim se utvrđuje da li su ispunjeni svi propisani zahtjevi za dječija kolica.